



ТОШКЕНТ ОҚШОМИ

Газета 1966 йил
1 июлдан
чиқа бошлаган

ШАҲАР ИЖТИМОИЙ - СИЁСИЙ ГАЗЕТАСИ

№ 77 (10.130)

2004 ЙИЛ 22 АПРЕЛЬ

ПОЙТАХТНИНГ Бир кўни

Янгиликлар, воқеалар

Киска сатрларда

- **КЕЧА** Ғуломмаҳмуд Абдуллаев номли 271-мактабда «Маънавият ва маърифат» марказининг Тошкент шаҳар бўлими ташаббуси билан ўтказилган «Ёшлар маънавияти — келажак пойдевори» мавзусидаги тадбирда Юнусобод туманидаги «Кулолқўрғон», «Шодлик» маҳаллалари фаоллари, ёшлари ҳамда 271-мактабнинг юқори синф ўқувчилари иштирок этишди.
- **БҲҲҲ** Ўзбек миллий академик театрида «ЭКОСАН» халқаро жамғармаси ташаббуси билан экофестиваль бўлиб ўтди.
- **ЭРТАГА** Мирзо Улуғбек номидаги Ўзбекистон Миллий университетида «Кайнонам — онам» мавзусида давра суҳбати бўлиб ўтади.
- **ХАЛҚАРО** бизнес марказида компьютер ўйинлари бўйича жаҳон чемпионати саралаш мусобақаларига ўзбекистонлик ёшларнинг тайёргарлигини кўчатириш мақсадида мамлакат биринчилиги уюштирилди.
- **ТОШКЕНТ** шаҳар Ободонлаштириш бошқармаси ходимлари томонидан шаҳримизнинг марказий кўчалари, хиёбонлари ва маҳаллалар ҳудудига анвойи гуллар экиш ишлари давом этмоқда.
- **ШАҲРИМИЗДА** фаолият юритаётган «Хикматли нон» корхонасида Германиядан келтирилган замонавий технологиялар асосида нон маҳсулотлари тайёрлана бошланди.
- **ТОШКЕНТ** кимё-технология институтида «Фан ҳафтаси — 2004» дастури доирасида талабаларнинг кимё, техника фанлари олимлари билан учрашуви уюштирилди. Тадбир мобайнида «Кимё саноати муаммолари ва истикболлари» мавзусида илмий-амалий анжуман ҳам ташкил этилди.
- **ТУРОН** кутубхонасида бўлиб ўтган адабий кеча Ўзбекистон халқ шоири Мухаммад Юсуф таваллудининг 50 йиллигига бағишланди.
- **ШАҲРИМИЗДАГИ** 5-болалар мусика мактабида бастакор Ҳасан Ниёзмухамедов асарлари асосида концерт дастури намойиш этилди.

Тошкент шаҳар ҳокимлиги
Матбуот хизмати ва ўз
мухбирларимиз
хабарларидан.

67-кўприк қурилиш отряди бунёдкорлари меҳнати билан қад ростлаган кўприклар мустаҳкам ва қулайлиги билан кўчаларимизга кўрк бағишламоқда.

СУРАТДА: отряд пайвандчиси Азамат Юсупов ўз вазифасини пухта бажаришга одатланган.

Ҳакимжон Солиҳов
олган сурат.



АСКАР ЙИГИТЛАР ШАРАФИГА

Вазирлар Маҳкамасининг «Муддатли ҳарбий, муқобил хизматнинг белгиланган муддатларини ўтаб бўлган фуқароларни бўшатиш ҳамда Ўзбекистон Республикаси Қуролли Кучларига навбатдаги қақрув тўғрисида»ги қарорига мувофиқ пойтахтимизнинг Собир Раҳимов туманида ҳарбий хизматдан қайтган аскарларни кутиб олиш маросими бўлди. Унда ҳарбийлар, аскарларнинг ота-оналари, ҳокимият ва жамоатчилик вакиллари иштирок этди.

Маросимда мудофаа вазири ўринбосари, полковник М.Ахмедов, Республика «Маҳалла» жамғармасининг раиси А.Ғадоибоев, туман ҳокими Б.Ҳакимов ҳамда аскарларнинг ота-оналари сўзга чиқиб, муддатли ҳарбий хизматни муносиб ўтаб келган йигитларнинг келажакдаги ўқиш ва ишларига омад тилади.

Хизматдаги жанговар ва ижтимоий-сиёсий

тайёргарликда юқори натижалар кўрсатган йигитларга олий ўқув юртларига ўқишга киришга муайян имтиёзлар кўзда тутилган сертификатлар ҳамда «Қамолот» ёшлар ижтимоий ҳаракатининг совғалари топширилди.

Қуролли Кучлар марказий ашула ва рақс ансамбли санъаткорлари иштирокида концерт дастури намойиш этилди.

ДОЛЗАРБ ВАЗИФАЛАР ИЖРОСИ

Давлат божхона қўмитасида 2004 йилнинг биринчи чораги якунларига бағишланган кенгайтирилган йиғилиш бўлиб ўтди. Қўмита раиси Баҳодир Матлубов бошқарган ушбу тадбирда асосий эътибор республика божхона органларининг маъруз давр мобайнидаги тезкор хизмат фаолияти якунлари, иқтисодий ислохотларни амалга оширишда божхона органлари олдида турган долзарб вазифаларга қаратилди.

Маълумки, божхона чегаралари орқали контрабанда йўли билан олиб ўтиладиган товар-моддий бойликлар ҳар қандай мамлакатнинг миллий иқтисодиётига раҳна солади. Президент Ислам Каримов Олий ҳарбий божхона институти очилишидаги ўз қишида мамлакат ҳудудига кириб келаётган маҳсулотларни юз фоиз текшириш, уларнинг сифатини чуқур ўрганиш ва албатта божхона тўловларини тўлиқ ундириш лозимлигини алоҳида таъкидлаганди.

Божхоначилар давлат бюджетига ўтган йилнинг шу давридагига нисбатан 21 мил-

лиард сўм қўп, яъни 84 миллиард 300 миллион сўм маблағ ўтказдилар.

Тезкор тадбирлар натижасида товарларнинг ички бозорга ноқонуний келтирилиши билан боғлиқ 7 мингдан ортиқ ҳолат аниқланиб, ашъвий далил сифатида 2 миллиард 224 миллион сўмлик моддий бойлик ушлаб қолingan.

Божхона органлари бугун нафақат чегара ҳудудлари-мизда, балки ички бозорда содир этилаётган ҳуқуқбузарликларга қарши ҳам самарали кураш олиб бормоқда. Масалан, шу йилнинг 15 апрель кўни Тошкент шаҳар божхона бошқармаси контра-

банда ва божхона қондалари бузилишига қарши кураш бўлими ходимлари «Қарвон» савдо марказида жойлашган юкхоналарнинг бирида Зуфаржон Ҳамидов ихтиёридаги салкам 5 миллион сўмлик озиқ-овқат маҳсулотлари божхона расмийлаштирувига оид ҳужжатларсиз сақлаб келинганини аниқладилар.

Спирт ва спиртли ичимликларнинг мамлакатимиз ҳудудига ноқонуний киритилиши, шунингдек, ички эҳтиёжимиз учун зарур бошқа турдаги ресурсларнинг юртимиз ҳудудидан чиқиб кетишининг олди олинмоқда. Ўтган давр мобайнида божхона чегаралари орқали ноқонуний олиб ўтилаётган 227 минг литр нефть маҳсулотлари, 187 тонна минерал ўғит, 670 тонна қора ва рангли металл, 337 минг қўти тамаки маҳсулотлари, 43,7 минг литр спирт ва спиртли ичимликлар тўхтатиб қолинди.

Ҳайъат йиғилишида эришилган муваффақиятларни сарҳисоб қилиш билан чекланиб қолмай, иш самарадорлигини ошириб бориш зарурлиги ўқтирилди.

ЎЗА

XXI саҳоси

Барча маънавлардан
олинган сўғит хабарлар

Мамлакатимизда

● Ўзбекистон Республикаси Давлат мулкни бошқариш ва тадбиркорликни қўллаб-қувватлаш давлат қўмитаси хайъатининг мажлиси бўлиб ўтди.

● Кеча Тошкентда ўзбек ва поляк тадбиркорларининг учрашуви бўлиб ўтди. Учрашувда икки мамлакат ишбилармон доиралари вакиллари қишлоқ хўжалиги, соғлиқни сақлаш, илм-фан соҳаларида ҳамкорлик қилишга оид ҳужжатларга имзо чекишди.

● Жиззахда барпо этилаётган Меҳр ва муруват шаҳарчасида кўзи оғизлар учун махсус мактаб, боғча, шунингдек аҳолига маиший хизмат кўрсатадиган марказ ҳам қад ростлайди.

● Тошкент вилояти, Паркент туманидаги «Хисорак» қишлоқ фуқаролар йиғини ҳудудидagi 5 гектарлик майдонда тез орада спорт мажмуасини қуриш ишлари бошлаб юборилади. Бир миллиард сўм қийматга эга ушбу иншоот туман ҳокимлиги ва хомийлар ёрдамида бунёд этилади.

● Чўст туманидаги «Мармар-Ф» масъулияти чекланган жамияти ишлаб чиқараётган мармар, травертин, чиганокли тош сингари маҳсулотларга талаб катта. Корхона ўз маҳсулотини Италияга экспорт қилишни ҳам йўлга қўйди.

● Қашқадарё вилоятида «Cotton Road» Ўзбекистон-АҚШ-Туркия ва «Қосон ёғ экстракция» Ўзбекистон-АҚШ қўшма корхоналари ташкил этилди.

● «Қамолот» ёшлар ижтимоий ҳаракати Деҳқонobod тумани бўлими ҳузурида «Оталар сўзи — ақлнинг кўзи» клуби фаолият бошлади.

Жаҳонда

● БМТнинг 40 дан зиёд давлат вакиллари иштирок этган навбатдан ташқари Хавфсизлик Кенгаши йиғилишида Яқин Шарқ можаролари ва Ироқда олиб борилаётган ҳарбий амалиётлар масаласи кўриб чиқилди.

● Америка Қўшма Штатларининг Давлат котиби Колин Пауэлл БМТ Хавфсизлик Кенгашини Кипр бўйича резолюция қабул қилишга чақирди.

● Украина парламенти Украина ва Россия ўртасида Азов денгизи ва Керчь бўғозидан фойдаланишда ҳамкорлик тўғрисидаги шартномани ратификация қилди.

● Мароккаш Хавфсизлик хизмати ўтган йилнинг май ойида Касабланкада содир этилган ва 45 кишининг ҳаётига зомин бўлган террорчилик ҳаракатларини уюштиришда гумон қилинган икки шахсни ҳибсга олди.

Иқтисодиёт

ЭНГ МУХИМИ —
ХАРИДОР ТАЛАБИ

Чиндан ҳам ҳар қандай маҳсулотнинг бозориги, харидор талаби асосида, дидига мос равишда тайёрлангани бозорда ўз ўрнини топмоқда.

Шу боисдан ҳам бозорни тинмай ўрганиш яхши самара бериши ишлаб чиқариш билан шуғулланётган тadbirkorларга ўз-ўзидан аён. Пойтахтимизда «Нафис» масъулияти чекланган жамияти пойабзалчилари ҳам ҳозирда замонавий ва бежирим оёқ кийимлари ишлаб чиқаришга эътиборни кучайтиришган. 50 нафар маллакали пойабзалчи меҳнат қилаётган жамоада модельерларнинг изланишлари самара бераётганини таъкидлаш ўринли. Негаки, улар бозорни ўрганиш билан бирга чет эл каталоглари асосида табиий чарм хом ашёдан эркаклар, аёллар ҳамда болаларга мўлжалланган пойабзалларнинг мавсумий турларини яратишмоқда. Кейинчалик ушбу пойабзаллар харидор талабига қараб тиклади ва буюртмачиларга етказиб берилади.

— Бугунги бозор тинмай изланиши, маҳсулотнинг янги, сифатли, рақобатбардosh турларини яратишни тақозо этмоқда, — дейди қорхонанинг моxир моделиери Ольга Лигай. — Буни жамоамиз ахли яхши тушунган ҳолда савий-ҳаракат қилмоқда. Пойабзалнинг харидорларимиз диди ва эътиҳига мос бежирим ва мустаҳкам турларини яратишга муваффақ бўлаёмиз. Маҳсулотларимиз учун хом ашё, яъни таg қисми асосан Туркия, Россия ва Хитойдан келтириляётган бўлса, чарм маҳсулотларини Қўқондан олаёмиз.

Жорий йилда тadbirkorлар оёқ кийимларининг сифатини ошириш билан бирга, ўз фирмаларини очмиши ҳам режалашган.

ХАММАСИ ҲАРАКАТГА БОҒЛИҚ

Бозор ёки савдо дўконидан кийим-кечак харид қилар экансиз, албатта, ярашганини, сифатли ва замонавийсини танлайсиз.

«Муҳиба» хусусий фирмаси чеварлари ҳам жорий йилда ички бозорни харидоригар маҳсулотлар билан таъминлаш йўлида астойдил савий-ҳаракат қилиб, аёллар ва болалар учун баҳорги, ёзги кийим-кечаклар тикишмоқда. Энг асосийси эса ушбу маҳсулотларнинг ўзига хос янги турлари маҳаллий хом ашёдан замонавий технологиялар асосида тайёрляётганидир.

— Қорхонамизда асосан ёшлар меҳнат қилишади, — дейди жамоа раҳбари Муршида Асадуллаева. — Уларнинг барчаси изланувчан, ғайратли, янгилликка интилувчан. Шу боисдан бўлса керак, янги маҳсулот турларини яратишда уларнинг ҳам фикр-мулоҳазалари катта ёрдам беради. Асосий мақсадимиз эса ўзимизда тайёрланган ҳам чиройли, ҳам ярашқили либосларни харидорларимизга манзур қилиш. Шу билан бирга, албатта рақобатбардosh товарлар тайёрлашда ҳамкорлар билан ишлаш яхши самара беришини назарда тутган ҳолда хорижий шериклар топишга ҳам ҳаракат қилаёмиз.

Шарофат БАХРОМОВА

Мардқ тайдонлар сафига

МАҲОРАТЛИ ҲАРБИЙ АЛОҚАЧИ

Сиз уни танийсиз. Кечалари бедор бешик кучган, тунни кунга улаб, фарзанди теграсида аллалар айтиб чиққан. Боласининг тоби қочиб қолса, икки дунё кўзига тор бўлиб, гирён бўлган. Эгнига нафосатдан либос кийган, ўзига латофатдан оро берган. Ҳаё дея аталмиш пок рўмоли, ибо дея аталмиш бебаҳо дуру гавҳари бор. Бу либос ундан бўлак ҳеч кимга ярашмайди, бу оро ундан бошқага зеб бермайди, гўё. Ҳеч кимда бундай рўмол йўқ, ҳеч кимда бунақа дуру гавҳар йўқ, ундан бўлак. Бу — ўзбек аёли, бу — ўзбек онаси.

Мен уни яхши танийман. Ҳарбий маҳалламизда — ҳарбий шахарчамизда яшайди. Вақти-вақти билан жанговар навбатчиликка боради. Ўкув тревогалари янграганда эркаклар билан бир сафда жанговар шай ҳолатга келади. Мустақил юрти армиясининг ҳарбий либосини гурур билан кийиб юради, шунга муносиб бўлишга ҳаракат қилади.

Оилада ҳам ҳарбийча тартиб-интизом... Фарзандлар дарсларини, уй юмушларини ўз вақтида бажаришади, тартибли кийинишади. Натижа-си ёмон эмас. Болалари маҳалламизда одобда, ўқишда ибрат. Бу ўзбек аёли, бу ўзбек онаси, бу ўзбек ҳарбийси. Уйлайманки, у билан сизни ҳам таништиришга фурсат етди. Бу — алоқачи, катта механик, шартнома бўйича хизмат оддий аскари, чилонзорлик Ҳабиба Даминовадир.

Даминовларни ҳарбий сулола десак, бироз хато бўлар. Уларни ҳарбий алоқачилар сулоласи дейиш ўринли. Ҳарбийлик ҳам, алоқа илми ҳам отамерос. Ахир,

рахматли Самиджон ака 25 йил давомида ҳарбий қисмда алоқа механиги бўлиб хизмат қилган. Бугун унинг уч ўғли ва кизи Ҳабиба ҳарбий алоқачи. Ҳатто Ҳабиба опага ҳазил аралаш «Сизнинг олдингизга ҳарбийликни ё алоқачиликни танла», дея шарт қўйишса, нима қилардингиз, дея савол берганимда «Иккаласини бир-биридан айро тасаввур қилолмайман. Иккаласи ҳам менга касб», деди. Бу Умумхарбий Низомиларга оғишмай риоя қилади, жанговар тайёргарлик машғулотларида фаол қатнашади, дегани. Бу алоқа ускунасини моҳирона бошқариб, хоҳ қисмда, хоҳ полигонда алоқани мунтазам таъмин эта олади. Энг замонавий алоқа воситалари билан бемалол «тиллаша» олади, дегани.

Очиги, шартнома бўйича хизмат оддий аскари Ҳ.Даминовнинг 1990 йилдан бери ҳарбий соҳада эканлиги бизни бироз ажаблантирди. Ахир ўша йилларда ўзбек фарзандларига бундайин масъулиятли вазифалар топширилармас, қиз-аёлларимизни

эса ҳарбий соҳада тасаввур қилишимиз қийин эди. Демак, ўша муҳитда ўзбек қизининг қатъияти, шижоати, жасорати ёриб чиққан-да. Ҳа, буни баралла айтиш мумкин. Негаки, у билими, интилиши билан тез орада ўзини кўрсати. Ўзбекистон аёли фақатгина фарзанд тарбиялаш, рўзгор тебратиш, қўллари қавариб кетмон чопиши эмас, ҳарбийликни ҳам қойилмақом эплашини исботлади.

— Ўз армиямизга эга бўлгач, ўзбек ўғлонлари орасидан маҳоратли ҳарбий алоқачилар етишиб чиқди. Майор Эрматов, майор Ғуломов каби тажрибали офицерларни мен ўзимга устоз деб санайман. Улар Қуролли Кучларимизда ўтказилган ислохотлар моҳиятидан келиб чиқиб, бизга йўл-йўриқлар кўрсатишапти. Алоқа ҳарбий соҳанинг қон томирлари, деган гап бор. Бу ўзига хос масъулият дегани. Масъулият юкини дадил кўтариш учун тинимсиз изланаман, шоғирлар тайёрлайман. Болалигидан ҳарбий либосимга ҳавас билан улғайган қизим Ирода-

хон касб-хунар коллежида компьютер илми бўйича сабоқ олмоқда. У ҳам мендек, бобоси, тоғаларидек ҳарбий бўлишга қарор қилган. Тўртинчи синфда таҳсил олаётган ўғлим Ҳусниддинда ҳам аллалақачон шундай ниятлар туғилган. Менга энг муҳими, уларнинг юрт қорига ярайдиган инсонлар бўлиши, — дейди Ҳабиба опа.

Тоҳир ака Пайзиев аёлини, эгаллаган касбини яхши тушунади. Баъзи бир эркакларга ўхшаб «ишингни йиғиштири, уйда ўтир, болаларга қара», деймайди. Хотини Ватан ҳимояси йўлида машаққатли вазифаларни адо этаётганини ҳис этади. Шу боисдан ҳам мақоламиз қаҳрамонининг кўнгли тўқ, сеvimли касбига фидойилик билан ёндошади.

Ҳатто аёллар байрами — 8 мартда жанговар навбатчиликда турган пайтлари ҳам бўлган. Аммо нолимайди. Хизматдан уйига қайтади-ю, ҳарбий кийимини бекалик либосига алмаштиради. Хизматда қанчалар жиддий, талабчан бўлса, уйда меҳрибон, лобар аёл. Пазандалигига ҳам қойил қолиш мумкин. Хуллас, оналик, аёллик, ҳарбийлик мақоми уй-ун бу инсонга ҳавас қилмасдан илож йўқ. Шоир топиб айтган, «шундайлар бўлмаса агар дунёда, бу қадар мўтабар бўлмасди аёл», деб.

Капитан
Алижон САФАРОВ

Ширкатларга

АНИҚ ВАЗИФАЛАР АСОСИДА

Вазифанинг аниқлиги, режаларнинг вақтида адо этиляётгани Чилонзор туманида фаолият кўрсатаётган «Тоғиқ комхизматчи» уй-жой мулкдорлари ширкатига аъзо бўлган хонадон эгаларини мамнун этмоқда.

Туманининг «Гулистон» мавзесида жойлашган ушбу ширкатда яшовчиларнинг бирорта ариза ёки буюртмалари эътиборсиз қолмайди. Уларни ўрганиш, ўз вақтида сифатли адо этиш имконияти қидирилади, амалга оширилиши эса назоратга олинади. Шу боисдан бўлса керак, хонадонлар ахли ҳам ширкат ходимлари билан ҳамжиҳатликка интилишапти. Бунинг самарали натижаси эса бажариляётган ҳар бир юмушда ўз аксини топмоқда.

— Тўғри, ҳозирда барча ишларимиз намунали йўлга қўйилган, — дея олмаймиз, — дейди ширкат бошқаруви раиси Азамат Қутлаҳметов, — лекин яшовчиларнинг фикр-мулоҳазалари, таклифларини инобатга олган ҳолда режаларимизни тузатиш ва амалга ошираёмиз. Барча уйларимизни намунали бинолар қаторида қўришни истаймиз, бунинг учун эса, албатта, маблаг зарур. Баъзида айрим хонадон эгаларининг йиллаб фойдаланиш харажатлари тўловларини бажармаслиги ишларимизда панд беради. Бу борада эса яшовчиларга тушунтириш ишларини олиб

боярмиз. Энг муҳими эса ҳар бир бажариляган ишимизда сифатга, мустаҳкамликка эътибор қаратаёмиз. Негаки, бугунги шароитда буюртмачиларимиз — яшовчиларнинг талаб ва дидлари кундан-кунга ўсиб бормоқда.



Ширкат раиси ҳар бир буюртма устида қаттиқ назорат олиб боради. Агарда яшовчиларга ширкат ходимлари иши ёқмаса, акт тузиши, арз қилиши мумкин. Азамат Қутлаҳметов эса ана шундай амалга оширилган ишни келиб қўришдан, хато ва камчиликларни тузатишдан эринмайди. Ўзи ҳам ходимлар билан бадавара ишга киришиб, ноҳуш ҳолатларнинг олдини олади. Уйларнинг ертўлаю чердакларини, томлари ҳолатини ўз кўзи билан қўриб, керакли пайтда ходимларга ёрдам беради.

Шуниси эътиборлики, ушбу ширкатдаги ишларнинг ривожини, раҳбарнинг қунон-қалқинини ўз қўзлари билан кўрган ён-атрофдагилар ҳам мана шу жамоага нафақат ҳавас қилади, балки унга аъзо бўлишга интилишмоқда. Ҳа, яхшилик ҳамиша одамларни бирлаштиради. Буни юқоридаги ширкатдаги ишлар аққол тасдиқлаб турибди.

— Ҳали олдинда қилимиз кучи билан бажариш мушкул. Шунинг учун ҳам биз ҳар бир ишда мунали хизмат кўрсатиш ётишини тушунишмоқда.

(Ўз мухбиримиз)
СУРАТДА: ширкат бошқаруви раиси Азамат Қутлаҳметов (чапдан иккинчи) ходимларга келгуси мавсумга тайёргарлик юзасидан вазифалар бермоқда. Алексей Попов олган сурат.

«ISHONCH» - ИШОНЧЛИ СУҒУРТА ХИЗМАТИ

Мамлакатимизда фаолият кўрсатаётган йигирмата суғурта муассасаси орасида «Ishonch» банклараро суғурта компаниясининг ўз ўрни бор.

Компания ўз фаолиятини, асосан, республика банк тизими ва унинг инфратузилмасини комплекс суғурта ҳимоя қилишга қаратган. У банклар мол-мулкни ва тadbirkorлик таваккалчилигини, ходимларининг касб масъулиятини ва бахтсиз ҳодисалардан ҳаётини, пластик карточкалар ва гаровга қабул қилинётган мулкни суғурталаш бўйича хизмат кўрсатади.

Молиявий таваккалчиликни суғурталаш банклар томонидан тadbirkorликка оид турли лойиҳаларни кредитлаш имконини янада ошириб, маҳсулот ишлаб чиқаришни рағбатлантиришда қўл келмоқда. Банкларнинг ўз мижозлари олдидаги мажбурияти ҳам алоҳида суғурта тури асосида ишончли қафолатланмоқда.

Шу кунга қадар мижозлар билан 840 шартнома имзоланиб, уларга саксон миллион сўмлик турли суғурта хизмати тақдим этилди. Амал қилиб турган мажбуриятларнинг умумий миқдори эса 25,5 миллиард сўмдан ошди.

Маъини

АМАЛИЙ
МАШҒУЛОТЛАР

Тасвирий санъат ва графика умумтаълим мактабларида ҳам ўқувчиларнинг сеvimли машғулотирига айланиб қолди. Бу йўналишда толиби илмларга сабоқ беришда педагог-рассомларнинг дарс бериш маҳорати муҳим ўрин тутди.

Низомий номидаги Тошкент Давлат педагогика университетининг тасвирий санъат ва уни ўқитиш методикаси кафедрасида амалга оширилётган педагогик жараёнлар ўзига хос ижодий маҳорат мактаби вазифасини ўтамоқда.

Кафедра ўқитувчилари ва ижодкор талабалари чизган расмлардан ташкил этилаётган бадий кўргазмалар нафосат кўригига айланмоқда.

Кафедранинг катта ўқитувчиларидан Нодира Орипованин «Нодира-бегим», Бахтиёр Холмирзаевнинг «Қисса қахрамонлари» деб номланган картиналари янги экспозициядан ўрин олди.

Изланувчан талаба Гўзал Бекназарованин «Махжунтол», «Куз» номли расмлари энг яхши, диплом иши деб баҳоланди. Кафедра талабалари ижод намуналари кўргазмаси университет тарихи музейида намойиш қилинди.

САНЪАТ
ДАРГОҲЛАРИГА
ЙЎЛЛАНМА

Мамлакатимизда эстрада-цирк соҳалари ривожланиб бормоқда. Синтетик санъат жанри бўйича малакали кадрлар тайёрлаш йўлида қўрилатган тадбирлар ҳам ўз ижобий натижасини бермоқда.

Тошкент давлат эстрада-цирк коллежи бу жараёнда алоҳида ўрин тутмоқда. Зеро, бу бадий ўқув юрти истеъдодли ёшларни тайёрлаш борасида бой тажриба орттирди. Унинг негизида қатор ижодий студиялар юзага келди.

Ҳозир коллежда бешта бўлим бор. «Бадий сўз устаси» бўлими ўқув фаолияти ҳам кенг йўлга қўйилмоқда. Бу ерда цирк санъати билан бир қаторда эстрада ва театр жамоалари учун ҳам ёш ижодкорлар ҳозирланаётди.

Республика эстрада-цирк санъати студияси негизида ташкил топган бу коллеж кўплаб ижодий марказлар билан ҳамкорликни йўлга қўйди.

Ақбар АЛИЕВ



Фестиваллар

ШУ АЗИЗ ВАТАН — БАРЧАМИЗНИКИ

Биз учун муқаддас бўлган Ўзбекистон заминиди қадим асрлардан бўён турли миллат элатлар ўзаро аҳил ва тотувликда яшаб келмоқдалар. Яхши биламизки бу миллат вакиллари бир-бирлари билан бирлашиб, қон-қариндошлик ришталари билан боғланган. Бу эса ўзбек халқининг бағрикенглиги ва меҳмондўстлигидан далолат беради.

Тошкент Давлат иқтисодиёт университетида ҳам 30 дан ортиқ миллат вакиллари таълим олишмоқда. Турли миллат вакиллариининг ўзаро муносабатлари, дўстлигини янада мустаҳкамлаш мақсадида университет раҳбарияти, бирлашган қасаба уюшма кўмитаси, фалсафа кафедраси ташаббуси билан куни кеча «Шу азиз Ватан барчамизники» шиори остида «Халқлар дўстлиги» фестивали бўлиб ўтди.

Талабалар фестивалини ўтказишдан асосий мақсад, талаба - ёшларни ва фестиваль меҳмонларини ёнгинамизда яшаётган бошқа халқлар миллий урф-одатлари, анъана ва маданияти, маънавияти билан таништириш, мустақил фикрлаш қобилиятини шакллантириш, ҳурмат, дўстлик, ўзаро ҳамкорлик, ватанпарварлик туйғулариини таркиб топтириш ва миллий истиқлол ҳолатини ёшлар онгига сингдиришдан иборат эди.

Фестиваль қоида ва шартларига кўра университет талабалари ва республикамизда фаолият юритаётган элчихоналар ҳамда миллий маданият марказлари ҳамкорлигида ташкил этилган татарлар, руслар, поляклар, корейслар, тожиклар, арманлар, турклар, қозоқлар, японлар ва ўзбеклардан иборат ўнла жамоа ўз она тилида саломлашиш; миллий тарихидан қисқача маълумот; миллий

либослар намойиши; миллий рақс ва кўшиқ ижроси; миллий урф-одат, анъана ва маросимлар намойиши; миллий таомлар кўргазмаси каби шартлар бўйича беллашдилар.

Беллашувлар жуда ҳам мурасасиз, рангбаранг ва гўзал бўлдики, унинг завқу шавққа тўлалиги ҳакамлар ҳайъати, меҳмон ва меҳмонларни лол қолдирди. Ҳакамлар ҳайъати бир овоздан барча иштирокчи жамоаларга «олий» ўринни белгилашди, яъни дўстлик ғалаба қозонди. «Шу азиз Ватан барчамизники» шиори остида ўтказилган «Халқлар дўстлиги» фестивали талабаларнинг ижодий қобилиятини ошириш, миллий ўзлигини англаш ва ўз-ўзини бошқа-



Бугун - Халқаро оламини асраш куни

ТАБИАТШУНОСЛАР
АНЖУМАНИ

Жаҳонда иқлим ўзгариши, ҳаво озон қатламнинг емирилиши, биохимла-хилликнинг камайиб кетиши инсониятни жиддий таъшишга солаётган муаммолар сирасига киради.

Юртимизда экологик мувозанатни сақлаш, табиий бойликлардан оқилона фойдаланиш, тупроқ унумдорлигини оширишга йўналтирилган қатор лойиҳалар ҳаётга изчиллик билан татбиқ этилаётди.

Оролбўйидаги ноқулай вазиятни бар-тароф этиш, аҳоли саломатлигини яхшилаш ва турмуш фаровонлигини оширишга алоҳида аҳамият берилаётди. Вазирлар Маҳкамасининг Юртбошимиз Исрол Каримов ташаббуси билан қабул қилинган «Оролбўйи генофондини муҳо-

фаза қилиш ҳайрия жағмармасини ташкил этиш тўрисида»-ги қарори бу борадаги яна бир муҳим қадам бўлди.

Ўзбекистон Республикаси Табиати муҳофаза қилиш давлат кўмитасида Халқаро оламини асраш куни муносабати билан олимлар, мутахассислар, талабалар, халқаро лойиҳалар вакиллари иштирокида ташкил этилган анжуманда шу хусусда сўз борди.

Б.ХИДИРОВА,
ЎЗА мухбири

Мамлюлар

ИБО МАЛИКАЛАРИ БЕЛЛАШДИ

Инсон ўзининг одоби, хулқи билан гўзалдир. Киши зоҳиран қанчалик кўркам бўлмасин, унинг ички дунёси, ботиний олами гўзал бўлмаса ташқи чиройининг жозибаси одамлар кўз ўнгиди йўқолиб боради. Яхши тарбияли, ширинсухан, одобли ва тавозели инсон кўпчиликни ўзига ром эта олади.

Тарихда ўзининг хулқу одоби, ақл-заковати, гўзал хусни билан барчани лол қолдирган Зебуннисо, Анбар отин, Увайсий, Нодира, Нозимахоним, Қамарнисо сингари етук шоира, фозила аёлларимиз тожу тахт бошқарувиди, ижодда, нафосатда ҳам кўпчиликдан устун саналаб келинган. Бугунги кунда ёш авлод вакиллари мана шундай назокат соҳибаларининг ўрнига

муносибми? Ҳозирги давр қизлари уларнинг ҳаёти ва ижодидан қанчалик хабардорлар? Шу ўринда тарихга ёшлар муносабати қандай?

Яқинда Акмал Икромов туманидаги 245-мактабда қизлар ўртасида «Ибо маликалари» кўрик-танлови бўлиб ўтди. Унда мактабнинг 9-синф қизлари Зебуннисо, Анбар отин, Увайсий, Нодира, Нозимахоним, Қамар-

нисо сиймоларида ўзларининг ажойиб чиқишлари билан кўпчиликнинг эътиборига сазовор бўлдилар.

— Қизларимиз бу танловга тайёрланиш давомида яна бир бор тарихга мурожаат қилишди, ўтмишда аёлларнинг ўрни, уларнинг макеи қай даражада эканлигини қаҳрамонлари ҳаёти билан яқиндан танишиш мобайнида билиб олдилар, — дейди

риш малакаларини ҳосил қилишда муҳим роль ўйнади, десак муболага бўлмайди.

Ушбу фестивални ташкил қилиш ва ўтказишда бевосита университет раҳбарияти, бирлашган қасаба уюшма кўмитаси, «Маънавият ва маърифат» бўлими жамоалари тайёрлашда фалсафа кафедраси профессор-ўқитувчилари, фестивалнинг янада фусункор ва жозибдор ўтишида. Польша элчихонаси консули Ян Сорок, Турк миллий-маданий ва Рус миллий-маданий марказлари жамоалари катта ҳисса қўшишди.



Муҳиддин ХАЛИЛОВ,
Тошкент Давлат
иқтисодиёт университети
«Маънавият ва маърифат»
бўлимининг
иқтидорли талабалар
билан ишлаш бўйича
услубчиси,
Феруза АЛИМЖОНОВА,
университет ўзбек тили ва адабиёти
кафедраси
ўқитувчиси.

СУРАТЛАРДА: «Халқлар дўстлиги»
фестивалидан лавҳалар.

Санъат

ДИПЛОМ
СПЕКТАКЛЛАРИ

Тошкент Давлат санъат институти талаба-ёшлари томонидан тайёрланаётган спектакллар қизиқиш билан томоша қилинаётди. Истеъдодли ёшлар ижодий изланиши махсули бўлган «Ревизор» спектакли ҳам кўпчилик эътиборини ўзига тортди.

Ёзувчи Гоголнинг бу машҳур комедияси сахна юзини кўргач, қатор олий ўқув юртлари бу постановкага буюртма бера бошлашди. Тошкент педиятрия-тиббиёт институти ҳам ўзаро келишув асосида мазкур постановкани ўз талабалари спектакллари репертуарига киритди.

Санъат институти диплом спектакллари янглиғ сахна юзини кўргач қатор постановкалар ҳам жойларда оммалашди. «Шоҳ Эдип», «Аршин Мололан» каби спектакллар ҳам қатор олий ўқув юртлари ижодий мулкига айланди.

Аҳмад ВАЛИЕВ

245-мактаб ўқитувчиси Манзура Раҳматуллаева.

Шунингдек, танлов шартлари асосида қизларнинг билим савияси, қайси соҳаларга қизиқиши ҳам ойдинлашди.

— Мен танловда Нодира образида сахнага чиқдим, — дейди иштирокчи Зилола Фозилова. — Қаҳрамоним бошқалардан ўзининг иродали, қатъиятчилиги билан ажралиб турди. Мен ҳам ўз ҳаракатларимда Нодира сиймосини етарлича талқин этишга, қаҳрамоним орзуларини кўрсатиб беришга ҳаракат қилдим. Шоира ва давлат арбоби Нодира ҳаёти кўпчиликка ибрат бўлади, деб ўйлайман.

Озода РИХСИЕВА



Музоҳаба

ҲАМКОРЛИК САМАРАСИ

Тошкент шаҳар ҳокимлиги Меҳнат, аҳолини иш билан таъминлаш ва ижтимоий муҳофаза қилиш бош бошқармасига қарашли Чилонзор тумани меҳнат бўлими раҳбари Нуриддин ФИЁСОВ бизга жамоа ходимларининг фаолиятлари, жорий йилда амалга оширадиган ишлари, режалари, мавжуд муаммолар ҳусусида қўйиб қўйишлари гапириб берди.

— Меҳнат бўлимининг фаолият доираси кенг бўлиб, ишимиз турли бошқармалар, корхоналар, ташкилотлар, фирмалар ва маҳаллалар билан ўзаро ҳамкорликка асосланган. Бизнинг асосий вазифамиз туманимизда истиқомат қилувчи иш билан банд бўлмаган аҳолини рўйхатга олиш, уларни ўзлари хоҳлаган мутахассисликлар бўйича ишга жойлаштириш, касбга ўқитиш ва қайта ўқитиш. Шу билан бирга ўзини ўзи бошқариш органлари, яъни маҳаллаларда 2 ёшгача ва 18 ёшгача нафақа олувчиларга ҳамда аҳолининг ижтимоий ҳимояга муҳтож, меҳнат бозорига тенгма-тенг рақобатга кириша олмайдиган қисми: ёшлар, кўп болали ва ногирон фарзанди бўлган оналар, ногиронлар, мактаб, ўрта махсус касб-хунар коллежлари, олий ўқув юртиларининг битирувчилари, жазони ўташ жойларидан бўшаб келган фуқароларга тегишли ёрдам кўрсатиш ҳам меҳнат бўлими ходимлари амалга оширадиган ишлар сирасига кириди, албатта.

Туманимизда мавжуд Бир маротабалик вақтинчалик иш билан таъминлаш маркази ҳам фуқароларга қулайлиқ яратиш, хавфсизлигини таъминлаш мақсадида шартномалар асосида ишга йўллаш масалаларини кўриб чиқиб, уни тубдан яхшилашни режалаштиргани ҳам ўз самарасини бермоқда. Бундан ташқари, амнистия бўйича жазони ўташ жойларидан бўшаб қайтганлардан 59 нафар ишга лаёқатли бўлган фуқаролар билан туманда мавжуд маҳаллаларда қатъий жалдвал асосида учрашувлар ўтказилиб, уларнинг ижтимоий, иқтисодий муаммолари ҳал қилинди.

Йил бошидан меҳнат бўлими ташаббуси билан тумандаги кўллаб йирик саноат, транспорт, қурилиш, халқ таълими ва соғлиқни сақлаш ташкилотларининг малакали мутахассислари иштирокида 4 та ҳудудий меҳнат ярмаркалари ўтказилди. Улардан кўзланган мақсад эса қонун талаблари бажарилишини таъминлаш. Яъни, меҳнат бўлимига мавжуд бўш иш жойлари тўғрисидаги маълумотларни вақтида тақдим этиш асносида ишга жойлаштириш учун йўланган фуқароларининг малакали мутахассислари иштирокида 4 та ҳудудий меҳнат ярмаркалари ўтказилди.

Улардан кўзланган мақсад эса қонун талаблари бажарилишини таъминлаш. Яъни, меҳнат бўлимига мавжуд бўш иш жойлари тўғрисидаги маълумотларни вақтида тақдим этиш асносида ишга жойлаштириш учун йўланган фуқароларининг малакали мутахассислари иштирокида 4 та ҳудудий меҳнат ярмаркалари ўтказилди.

Туманимизда ўтган йили турли йўналишларда фаолият кўрсатувчи корхона-ташкилотларда кўллаб янги иш жойлари ташкил этилганди. Жумладан, жорий йил бошидан буён туманимиздаги «Longteng» хусусий фирмаси 30 та, «Ўзгазин-жиниринг» шўъба корхонаси ҳам шунча микдорда, «Algomed» масъулияти чекланган жамияти 183 та, «Файз-текс» хусусий корхонаси 15 та янги иш жойлари яратганини мисол келтириш мумкин. Умуман олганда, йил бошидан бер 1117 та янги иш жойлари ташкил этилди. Ҳозирда эса туманда жами 971 та бўш иш ўринлари ва вакант лавозимлари мавжуд бўлиб, улардан 69 таси махсус техник ходимларга ҳамда 902 таси эса ишчиларга мўлжалланган.

Туманимизда 218,1 минг аҳоли истиқомат қилади, шулардан меҳнатга лаёқатли кишилар сони 120,7 мингга тенг. Меҳнат билан банд бўлмаган

аҳоли сони 1739 нафарни ташкил этади. Меҳнат бўлиминингга январь-март ойларида 564 фуқаро иш қилириб, мурожаат этди, улардан 377 нафари иш билан таъминланди, 334 нафар киши маслаҳатлар олди ҳамда 98 нафар фуқаро қайта касбга ўқишга юборилди, жамоат ишларига эса 53 нафар фуқаролар жойлаштирилди.

Меҳр ва мурувват йили муносабати билан меҳнат бўлими ходимлари маҳаллаларда аҳоли билан бир қатор амалий ишлар олиб бормоқдалар. Туманимиздаги 45 та фуқароларни ўзини ўзи бошқариш органлари билан ҳамкорликда кам таъминланган, муҳтож оилаларга моддий ёрдам кўрсатиш мақсадида январь-март ойларида 1208 та оилаларга — 15724611 сўм миқдорда ёрдам пули ажратилди.

Маҳаллалар оқсоқоллари билан ўзаро ҳамкорликда баракали иш юритаётган ўз соҳасининг билимдонлари, малакали инспекторлар Гулбаҳор Бобонова, Раъно Исмолова, Людмила Хлостова ва Лена Голубевалар банд бўлмаган аҳолини иш билан таъминлашда алоҳида жонбозлик кўрсатмоқдалар ва ҳамкасбларига ўрнак бўлмоқдалар.

Шу ўринда меҳнат бўлимининг ишга жойлаштириш шўъбасининг ишчан, хушмуомала ходимларидан Дилобар Нурмухамедова, Нойба Ҳасанова ҳамда Нилуфар Султоновалар иш юритишларини ҳам таъкидлаш жоиз. Бир сўз билан айтганда меҳнат бўлимининг барча ходимлари жорий йилда ҳам аҳолига мадад бўлишга астойдил ҳаракат қилади.

Муҳаббат ҲАБИБУЛЛАЕВА
ЭЗИБ ОЛДИ.
СУРАТЛАРДА: Чилонзор тумани меҳнат бўлими иш фаолиятини давомлатди.
Ҳакимжон Солиҳов олган суратлар.

Тадбирлар

ОЧИҚ ЭШИКЛАР КУНИ

Собир Раҳимов енгил саноат касб-хунар коллежиди аънавий «Очиқ эшиклар куни» тадбири ўтказилди. Унга ушбу туман ҳамда Юнусов, Акмал Икромов, Шайхонтоҳур туманлари мактабларининг 9-синф битирувчилари ва уларнинг ота-оналари таклиф этилди.

— Мазкур тадбирни ўтказишимиздан мақсад, — дейди коллеж директори Мамоҳат Ҳикматуллаева, — битирувчи ёшларни касбга йўналтиришга қўмаклашишди. Зеро, танланган касбгина келажагимиз пойдеворлари бўлган янгиликка ўч, зукко, қизиқувчан ўғил-қизларимизнинг етук мутахассислар бўлиб етишишларига, ҳаётда ўзларининг тўғри йўлиларини топишларига имконият яратди.

Ушбу тадбирни Собир Раҳимов туман вояга етмаганлар комиссияси ходимлари, туман «Камолот» ёшлар ижтимоий ҳаракати бўлими Кенгаши аъзолари, «Тахта-пул» маҳалласи хотин-қизлар кўмитаси раиси Фароғат Мирзаева ҳамда маҳалла фаоллари, коллеж ўқитувчи, ўқувчилари билан ҳамкорликда ташкил этилди.

Бугунги кунда ушбу билим масканда

434 нафар ўқувчи малакали ўқитувчилардан таҳсил олади. Жорий йилда 4 та гуруҳнинг 101 нафар битирувчилари коллеждан учирма бўладилар. Тадбирда, айниқса, битирувчилар фаол қатнашдилар.

«Либослар байрами» деб номланган модалар театри қатнашчилари тадбир иштирокчиларига ўзларининг ижодий меҳнатлари маҳсули бўлган диплом лойиҳасига тиккан ишларини — ҳаммаси бўлиб 120 хилдаги болалар, қизлар учун мўлжалланган мавсумий, замонавий услублардаги кийим-кечакларни намойиш этилди. Йигилганларда мазкур чиройли, дид билан тикилган аънавий-миллийлик билан замонавийлик ўзаро уйғунлашган либослар катта таассурот уйғотди ҳамда ҳамма бирдай мафтун қилди.

Бундан ташқари, коллежнинг 4 та иш-

лаб чиқариш устаконаларида 1-, 2-, 3-босқичлар ўқувчи қизларининг — «Чевар» тўғараги фаол аъзоларининг ўз қўллари билан яратган бадиий каштачилик, бадиий безаш, зардўзлик, тикувчилик маҳсулотлари намойиш этилди ва уларнинг меҳнатлари маҳсули йигилганларнинг олқишларига сазовор бўлди.

Эътиборли томони, коллеж қошида яқин-атрофдаги ёшлар, келинлар ҳамда икки касбни етгаллашни хоҳловчилар учун кечки тўғарақлар ташкил этилган бўлиб, ҳозирги кунда бу тўғарақларда 450 нафар фуқаролар тажрибали муаллим ҳамда ишлаб чиқариш таълими усталаридан таҳсил олмақдалар. Тадбирда мазкур тўғарақлар аъзолари ҳам ўз ижодий ишлари билан қатнашиб, ташриф буюрганларда катта таассурот қолдирганлари, шубҳасиз.

Тадбир давомида Муқимий номидаги Ўзбек мусиқали драма театрининг эл сўйган етакчи актёрлари ҳамда коллежнинг Ўзбекистонда хизмат кўрсатган артисти Турғун Бекназаров раҳбарлигидаги «Гулсалат» драма тўғараги аъзолари дилдорлар куй-қўшиқлари ҳамда шўх рақслари билан даврга ўзгача фойза ва шукӯҳ бағишладилар.

Муяссар АБДУРАСУЛОВА

ИШГА АМАРҲАМАТ!

Анчадан буён кўришмаган танишим... Машкура опани учратиб қолдим. Салом-алик қилган, болтачадан гап очилди. Шу атрофдаги ҳолироқ ўриндиққа чўқидим.

Музоҳаба

ҚИЗЛАРИМИЗ ЭПЛИ, ЙИГИТЛАРЧИ?

кура опа ўйга толган ҳолда...

Маълумки, азал-азалдан ота-боболаримиз фарзандлар тарбиясига алоҳида масъулият билан ёндашишган. Бу албатта, бежиз эмас. Ўғил болалар бувалари, амакилари, оталаридан эр йигитларга хос маралик, жасурилик, қатъийликни ўрганишган. Уларнинг ҳар бири сулоласидаги ҳунарни ҳам мукаммал эгаллаб бортанганини эшитганмиз.

«Хунари бор кишининг, мазаси бор ошининг», «Хунар — хунардан унар» деган нақлга оталанадилар, ҳаттоки қайнота-қайноналаридан ҳам ёрдам кутиб ўтиришадилар, деб ҳасрат қилиш Маш-

май, рўзгор тебратиш, оғир юмушлар эркак кишининг гарданиди бўлишини доимо ёдда тутганлар. Ҳозирчи?!

Шарқ халқлари орасида, айниқса ўзбекларда қизлар тарбиясида жуда эҳтиёткор бўлишган. Зеро, қизлари бор уй, айниқса, бўй епан қизли хонадонлар ўзгача бир файзли, оҳанрабои кунда ўзига тортаверади. Кайвони бўйларимиз қизларини иппакдек мулоим, озола, саранжом-сарошга ва итоттўй қилиб тарбиялаганлар. Шу билан бирга, улар илм, маърифат, санъат, мусиқа, адабиётдан бохабар бўлганлар.

Замонавий қизларимиз ҳам

ўзларининг буюк аجدодларидан ҳечам қолишмайдилар. Чунки улар зукко, янгиликка интилувчан, ҳар соҳага қизиқувчан, айниқса, янги замонавий касбларни кўп ҳолларда ўғил болалардан ҳам тезроқ ўзлаштирмоқдалар. Қизларини турмушга тайёрлаш оналар зиммасида, йўқ, ҳозирги кунда ўғил болалар тарбияси ҳам асосан оналарга юкланиб қолаётгандай назаримда. Худди шу сабаблики, йигитларимиз анчайин «нўноқ» бўлиб қолишмаётгани, деган мулоҳазага бораман...

Дона халқимизда «Йигит қилшига қирқ хунар ҳам оз», деган нақл бор. Бозор иқтисодиёти шароити талабларидан келиб чиққан ҳолда ҳам ҳозирги кунда ёшларимизнинг нафақат чуқур билим олишлари, шунингдек хунар ўрганишлари мақсадида мувофиқ деб ўйлаймиз. Хунар, албатта оила тебратишда мадор, фарзандларга ҳам ўргатилса эзу иш бўлади.

Комила МИРҲАМИДОВА

датидан етти ой олдин нафақага чиқилиши мумкин.

СУД ОРКАЛИ ТУГАТИЛАДИ

Тадбиркор сиратида «Фирмаси билан махсулот етказиб бериш тўғрисида ўзаро шартнома имзолаган эдик. Мазкур фирма тугатилганини эшитиб қолдим. Фирма ўз-ўзидан тугатилиб кетишини мумкинми ёки у қайта ташкил этиладими?

Мирғиёс Комилов, хусусий тадбиркор, Акмал Икромов тумани.

Қонун бўйича юридик шахсни қайта ташкил этиш тўғрисида қарор қабул қилинган тақдирда, ушбу қарорни қабул қилган юридик шахс ўз масъулияти ёки кредиторларини бу ҳақда ёзма равишда хабардор қилиши шарт.

Бу ҳақда хабар топган кредитор юридик шахсининг қарздор бўлишига олиб келган мажбуриятларни бекор қилишга ёки зарарини тўлашга талаб қилишга ҳақли.

Агар юридик шахс қайта ташкил этилмасдан батамом тугатилган бўлса, унда у ўз-ўзидан тугатилиб кетмайди. Яъни у олдинги фаолияти тугатилиб келиб чиққан барча мажбуриятлар юзаси-

дан жавобгарликни тўла равишда бажарганидан кейингина суд оркали тугатилади.

ҚАЕРГА МУРОЖААТ ҚИЛАМАН?!

Бир корхонага меҳнат шартномаси тугатилгани ҳолда ишга кирдим. Бир ой ишлаганимдан кейин ҳозирча иш йўқ, таътилга чиқиб туринг, дейишди. Уч ой ўтди, хабар олсам, ўрнимга янги ишчи олишибди. Мен бўшаб ҳақида ариза ҳам ёзганим йўқ эди. Ҳолбуки, мажбурий таътилга чиқарилган эдим. Энди мен кимга, қаерга мурожаат этишим керак?

Наримон Қурбонов, ишчи, Мирзо Улугбек тумани.

Иш берувчи меҳнат шартномасини бекор қилиш нияти ҳақида ходимни белгиланган муддатларда ёзма равишда оғохлантириши шарт (Ўзбекистон Республикаси Меҳнат кодексининг 101-моддаси). Сизнинг меҳнат ҳуқуқларингиз бузилган бўлса, меҳнат тўғрисидаги қонун ҳужжатларига риоя қилишини текширувчи ва назорат қилувчи органлар, шунингдек, меҳнат низолатини кўрувчи органларга мурожаат этишингиз лозим.

Ёшлар — келажагимиз

МАЛАКАЛИ МУТАХАССИСЛАР ТАЙЁРЛАНМОҚДА

Мустақиллик йилларида келажагимиз воясига етган фарзандларимизнинг билими, бирон касб-хунарни эгаллаб, меҳнат бозорига бемалол рақобатлаша оладиган мутахассислар сифатида етишиб чиқишлари учун давлатимиз томонидан қатор амалий ишлар амалга оширилмоқда.

Яккасарой туманида жойлашган Ўзбекистон Республикаси Олий ва ўрта махсус таълим вазирлиги ва Тошкент шаҳар ўрта махсус, касб-хунар таълими бошқармасига қарашли Тошкент шаҳар енгил саноат касб-хунар коллежиди ҳам мана 22 йилдан ортиқроқ вақтдан буён ёшларга илм ўргатиш, мутахассисликлар бўйича етарлича сабоқ бериш учун барча шарт-шароитлар яратилган.

—Таълим масканимизда учта йўналиш бўйича ёшларимизга билим берилади, — деди коллеж директори Софья Назарова. — Тикувчилик

ларни ўз мутахассисликларига кўра тўғарақларга ҳам фаол қатнашадилар. Масалан, ижодий тўғарақлар аъзолари ишлаб чиқариш усталари бошчилигида кийим-кечаклар лойиҳасидан бошлаб бичиштириш, уларни безашни ҳам ўрганадилар. Миллий кийимлар, зардўзлик махсулотлари момоларимиздан мерос қолган бўлса, уларга бўлган ҳавас, иштиёқ ёшларни ҳозирги кунда ҳам оҳанг-



рабодек ўзига тартади.

Чеварликка ўқиётган ноэик дидли қизлар коллеждаги «Шарқ гўзали» модалар театрида либослар намойиши билан, «Ором» миллий рақс гуруҳи аъзолари эса гўзал рақслари билан билим

даргоҳида ўтадиган барча тадбирларда фаол қатнашадилар. Шунингдек, ўқувчи ёшларнинг сеvimли устозлари сифатида танилганлар. Шунингдек, ишлаб чиқариш усталари Нарғиза Иброҳимова, Гулноз Иброҳимова ва Марҳамат Зиёева-лар тажрибаларидан ёшлар самарали фойдаланиб, касбларининг сир-асорларини кунт билан ўрганмоқдалар.

Коллежнинг дастурий таълимидан ташқари барча йўналишлардаги гуруҳ киз-

улардан 4 нафари — аълочи, иқтидорли қизлар меҳрибон устозлари билан биргалликда тикувчилик ишлаб чиқариши устаси бўлиб ишлашлари учун коллежда қоладилар.

Хуллас, коллежда ўқувчиларни касб-хунар эгаси меҳнат бозорига эркин рақобатлашга кириша оладиган қилиб тарбиялаш учун барча ишлар режа асосида олиб боришмоқда. Ушбу билим масканда юртимизнинг енгил саноати учун малакали мутахассислар тайёрланаётганига тўла ишонч ҳосил қилишга асослар етарли.

Муяссар УМАРБЕКОВА
СУРАТЛАРДА: Тошкент енгил саноат касб-хунар коллежи ҳаётидан лавҳалар.

Ҳакимжон Солиҳов олган суратлар.

Шарқ дурдоналари

ОЗ-ОЗ ҲАМДАМИМ

Мунофиқ дўст мунофиқ қариндошдан яхши. Бир киши бир улуг одамдан сўради:

— Ака-ука дилга яқинми ёки дўст?

У жавоб берди:

— Ўз ака-укам садоқат йўлини тутгандагина дилимга яқин.

Байт:

Дўст бўлмаса
яқинларинг кечгин
улардан,

Бегоналар меҳр

қилса, дўст тут
уларни.

● Хикмат. Ҳисоб ва сарф муомала учун, кўмак, узр ва ихлос дўстлик ва муҳаббат учундир.

Байт:

Ҳар кимсага таъна
тошини отма,

Гарчи бўлса ҳамки
қайсар ёки шум,

Айбсиз дўстларни
топмоқ муаммо,

Айтчи хатолардан
ким поку масъум,

Ҳар ким дўстларига
хушфел бўлмаса,

Дўстлик иззатидан
бўлади маҳрум.

● Айбнингдан хабар топиб, уни бировларга ошкор қилмайдиган, сенга яхшилик қилса, уни таъна қилмайдиган, унга яхшилик қилсанг, асло унутмайдиган одам билан дўстлик ипини боғламоқ керак.

Байт:

Кўп ҳолатнинг
бўлдим шоҳиди,

Айб қидирган бўлди
айбдор.

Кимнинг бўлса
юраги тоза,

Ўзга айбни қидирмас
зинхор.

Дўст айбини
бекитар доим,

Фазилатин мактайти
такрор,

Яхшилигинг улуг
деб билмас

Ўзингни ҳам тутмас
асло хор.

Шундай дўстга дуч
келсанг агар,

Қўлларингдан
чиқарма зинхор.

● Хикмат. Бир улуг киши ўз укасига насиҳат қилиб дерди:

— Дўст жафо билан душманга айланади. Душман эса, эҳсон билан дўстга. Агар душмани эҳсон ва ҳада билан дўст қаторига киргиза олмасанг жафо билан душман қаторига киргизма.

Одам яхшиликка

бандадир доим,

Мангу дўстлар ҳам
барибир одам.

Ҳар кимнинг дилига
оғир келмайди,

Душман меҳр билан
дўст бўлгандин.

● Ёшлик онларимда дадамдан: «Муҳаббат даъвосини қилиб, ака-укаликдан дом урган кишиларнинг ўз сўзида содиқ ва қалби мустаҳкам эканлигини қандай билса бўлади?» — деб сўрадим. Дадам: «Ўз бахти ва улушини сенга тақдир қила олиши билан» — деб жавоб берди.

Байт:

Ҳар ким ўз нафсининг
куйида гирён,

Даъвои дўстлиги дуч
ила ёлгон.

Назн қилишари

ҲАМДАМИМ

Усиз келди бу баҳор яна,
Дарахларим гуллади
сонсиз.

Оқ-оқарди қалб-наҳор яна,
Фақат туйғу қолди
забонсиз...

О, Ҳижроним, бери
кел, дўстим!

Сендан ўзга йўқ энди
ҳамдам.

Юпанчларим бўйлари ўсди,
Жароҳатга боғладим малҳам.

Йиғламагил, баҳорим, бўлди,
Кўз ёшларинг тўкма

бошимдан.

Ҳасратларим бариси ўлди,
Кўклаб чиқди қабри

бошидан.

Теваракка кулиб бок, Азо, бодом гули гўзал қанчалар!

Кўхна боғлар безанар шитоб,

Шохларида севинч гўнчалар.

Шундоқ кунда ўксима,
кўнгил,

Ёр бўлмаса, дўстинг —
Ҳижрон бор,

Ғуссаларинг куз —
заъфарон бор.

О, Ҳижроним, дўстим,
бери кел,

Усиз келса, келибди баҳор,

Хаёт исмин шивирлайди ел,
«Овунгил», — деб оқади
анҳор.

Усиз келса, келибди баҳор...

Ўтиб кетинг ёнимдан ҳар кун,
Майли, сезманг менинг

борлигим.

Ўтиб кетинг парвосиз, беун, —
Азобларим, дардим, оғригим.

Ўтиб кетинг, изларингизга
Нигоҳларим қолсин тўжилиб.

Бир бор боқманг

изларингизга,
Муҳаббатим қолсин ўқиниб.

Сиз сезмаган мен

бўлай ёлғиз,

Мен розиман қийноғингизга.

Ахир мен — Сиз танимаган

қиз!

Йўқ умидим куймоғингизга.

Оху воҳлар — бариси, нечун?

Йиғламайман севмади дея.

Тириклигим англамоқ учун,

Сизни севмоқ қилур кифоя.

Рисолат ҲАЙДАРОВА



— Шўхроғини чалсангчи, Наргиз,
Диллар ғамга ботмасин ҳаргиз.

2004-Меҳр ва нурувват йили

МОДДИЙ ВА МАЪНАВИЙ
КЎМАК БЕРИЛДИ

Айни кунларда шахримизнинг ҳар бир туманидаги маҳаллаларда Наврўз умумхалқ байрами кўтаринки руҳда нишонланмоқда. Ана шундай байрам тантанаси кун кеча Юнусобод туманидаги «Шивли» маҳалласида ҳам бўлиб ўтди.

Ўша кунни об-ҳавонинг ноқулай келганлиги қадриятларимиз гултожи бўлмиш Наврўз айёмининг ёшу қари томонидан катта тантана билан нишонланишига ўз таъсирини кўрсата олмади.

Шу кун эрталабдан маҳалла оқсоқоли, тадбиркор инсон Шомухиддин Шомансуров бошчилигида баҳорий

таомлар, кўк сомсаю чучвара, бўрсилдоқ, иссиқ нонлар билан безатилган чиройли байрам дастурхони ёзилди. Маҳалладаги ёшу қари, каттаю кичик тадбирга тақлиф этилди. Бир пиёла чой устида кексалар, пирӯ бадавлат инсонларнинг дил сўзлари, бой ҳаётли тажрибалари ёшлар томонидан севиб тингланди.

Анжуманлар

ЁШЛАР ГИЁВАНДЛИККА ҚАРШИ

Агар ниҳол ҳар жиҳатдан тўла парвариш қилинса, у албатта тўғри ўсиб кўкка бўй чўзади. Унга вақтида парвариш берилмаса ниҳол тез орада нобуд бўлиши тайин. Шу каби ўсмир ёшлар ҳам оилада, мактабда, маҳаллада тўғри тарбия олмас экан, вақти келиб ноҳўя йўللарга кириши, ноқобил дўстлар орттириши, бекорчилик балосидан охир-оқибат жиноят ботқоғига ботиши ва ҳаммасидан энг ёмони — гиёвандликнинг «қора кўчаси»га кириб қолиши ҳеч гапмас.

Хўш, Фақат оиладаги яхши тарбия бола учун етарлими? Мактаб фақат билим маскани бўлиб қолмаяптими? Ўсмир ёшга ташқи муҳитнинг, яъни ўртоқларининг муносабати, одоб-ахлоқи қай даражада таъсир кўрсатади? Нима учун гиёвандлик, жиноятчилик каби ёмон иллатларга кўпроқ ёшлар ўралашиб қолишмоқда?

Яқинда «World Vision» халқаро нодавлат ташкилоти ҳамда «Камолот» ёшлар ижтимоий харақати Акмал Икромов тўман бўлими Кенгашининг «Камалак» болалар ташкилоти ҳамкорлигида «Биз ёшлар гиёвандликка чек қўямиз» мавзuida ташкил этган анжуманида юқоридаги саволларга жавоб изланди.

Унда халқаро ташкилот вакиллари ҳамда туманининг барча мактаб

сардорлари иштирок этишиб, гиёвандлик ва унинг салбий оқибатлари, ОИТС касаллиги билан оғирган беморларнинг келгуси ҳаёти ва уни юқтириш омиллари, бу касалликдан қандай сақланиш мумкинлиги борасида кўплаб фикр-мулоҳазалар билдиришди. Айниқса, анжуманда ОИТС касаллиги ҳақида айtilган мутахассисларнинг фикрлари ёшлар эътиборидан четда қолгани йўқ.

— Бизнинг бундай анжумани ёшлар ўртасида ўтказишимиздан асосий мақсад, ОИТС касаллиги билан ўсмирлар касалланишининг олдини олишдир, — дейди жумладан «World Vision» халқаро ташкилоти вакили Юлия Мунтян. — Зеро, ўсмирлик даврида кўпинча ёшлар ўта қизиққон ва билим-тарбияга муҳтож бўлишади. Мазкур анжуманда биз

болаларни гуруҳларга бўлиб, уларга гиёвандлик ва ОИТС ҳақида саволлар бердик, ёшлар ўзларининг бу борадаги фикрларини билдиришди, билимларини мутахассислар уларга тўшунтирдилар.

Шунингдек, анжуманда ОИТС касаллигига оид буклетлар иштирокчиларга тарқатилиб, болалар томонидан тайёрланган деворий газеталар ташкилотчиларга тақдим этилди.

— Мен Илғиза Сулаймонова 181-мактабнинг «Камалак» сардориман. Ушбу анжумандан кўплаб таассуротлар олдим. Айниқса, халқаро ташкилот вакиллари билан анжуманда бизга берган маълумотлари жуда қизиқarli бўлди ва бундан керакли хулосалар чиқардик.

Орзуғул
РУСТАМОВА

Шунақаси ҳам бўлади

ХАЁЛПАРАСТЛИК

Айрим машҳур олимларнинг ҳаёти лати-фаларга бой. Улар ҳақида қизиқ маълумотлар бор. Шулардан бири уларда бўлган парижонхотирлиқдир. Мана бир неча мисол.

● Машҳур математиклардан бири Давид Гельберт (1862-1943)нинг уйига улфатлар йиғилишди. Унинг хотини фрау Гельберт эрининг дазмолланмаган кўйлак кийганлигини кўриб, дарров пастки хонага тушиб дазмолланган кўйлак кийиб олишини буюради. Давид дарров пастки хонага тушади. Лекин қайтиб чиқмайди. Орадан 10-15 дақиқа ўтган бўлса ҳам ундан дарак бўлмади. Хотини Давиддан хабар олиш учун пастга тушиб қараса эри унинг кийиб ухлаб ётганимиш. Кейин аниқланишича, у ўрин тепасида аввал нимчасини, сўнгра бўйинбогини ва кўйлагини енгандан кейин ётиш вақти бўлган ҳаёлида ўрнига кириб ухлаб қолган экан.

● Немис олими Норберт Винер (1824-1964) талабаларидан бири почта бўлимига кирди. Қараса олим столда ўтириб олдидаги бир варақ қозғога тикилиб, ниманидир уйлаб ҳаёлга чўмиб турганмиш. Талаба устозининг юзиди сезилиб турган оғир қалб изтиробига ачинаиб кетди. Шу пайт Винер ўрнидан туриб, қозғонни улоқтириб ташладида, талабаси томон кела бошлади. Талаба уни қарши олиб: «Салом, профессор Винер!» деди. Винер тўхтаб кўзларини катта очиб, пешонасига бир уриб деди: «Винер! Дарвоқе, менга шу сўз керак эди». Маълум бўлишича олим қозғога ёзишда ўз исмининг нима эканлигини унутиб қўйган экан.

● Бир кун самолётсозликнинг отаси Н.Жуковский уйига талабаларни чақиради. Улар билан узоқ суҳбатлашгач ҳаёлан ўзини меҳмон эмас, балки келган меҳмонлардан бири ҳис қилиб, ўрнидан туриб шляпасини оладида: «Жаноблар, сизлар билан кўп ўтириб қолдим, вақт алламаҳал бўлиб қолди, энди уйга қайтай», дейди.

М.ОРИПОВ тайёрлаган.

Хар тўғрида

УЙКУСИЗ ЮРГАН КИШИЛАР

Швециянинг Мальмё шаҳрида бундан 35 йил муқаддам истиқомат қилган Олаф Эриксон номли 77 яшар мўйсафид 47 йилдан буён ухламагани қайд этилган эди. Бу «уйкусиз кишини тиббиёт ахли мўйжиза ҳисоблаган. Маълум бўлишича, ухлатиш мақсадида қўлланилган дори-дармонлардан биронтаси ҳам унга қор қилмаган. Олаф Эриксонни Швециянинг манаман деган зўр олимлари — психолог, невропатологлари роса текшириб кўришди-ю, лекин ҳаётда онда-сонда учрайдиган бундай мўйжизани изоҳлаб беришга ожизлик қилишди.

Эриксон 1919 йил грип билан қаттиқ оғриганди. Балки шу касаллик оқибатида уйкусизлик касалига дучор бўлгандир-да, деб гумон қилишди табиблар. Қизиғи шундаки, Эриксон 77 ёшга кириб, бундан 46 йилни бедор ўтказган бўлсада, ўзини бардам ҳис этган.

Кунлардан бирида Эриксонни операция қилишга тўғри келди. Операция қилиш учун эса (?) уни ухлатиш керак эди. Аммо кучли наркотик унга зигирча ҳам таъсир кўрсатолмади. Начора, тананинг фақат операция қилинадиган жойининг атрофинигина жонсизлантириш, яъни этни ўлдиришдан бошқа илож қолмади.

Уйкусизликда лондонлик Сидней Эдвард 50 яшар киши Эриксондан кейинги ўринда туради. У «атиғи» 26 йил ухламаган. Лекин унинг ухлалмаслик важи аниқланган. 1941 йил. Иккинчи жаҳон уруши қизиган пайт. Немис фашистлари Англиянинг кўп районларини бомбардимон қилдилар. Эдварднинг сукули фарзанди отаси кўз олдида немислар бомбасидан ҳалок бўлди. Бу кулфат Эдвардга кучли руҳий таъсир кўрсатганлигидан бўлса керак, шу-шу ухламаган. У барвақт қари, 50 ёшдалига қарамай 80 ёшли мўйсафиддай мункиллаб қолди. «Менга вақт жуда секин ўтган, кундуз-ням, кечаниям фарқи йўқ» деб нотолган Эдвард.

Дарҳақиқат, бедор кишига вақт секин ўтаётгандек туюлади. Шунинг учун эрмак бўлсин деб, Эдвард кичик тунги магазин очган эди. Бироқ, полиция тунги савдон тақиқлаш ҳақида 300 йил муқаддам чиқарилган қонунни дастак қилиб савдога рухсат бермади. Эдвард полициядан норози бўлиб, юқори ташкилотларга арз қилди. Бироқ барча уринишлари фойдасиз бўлди.

ЎЗБЕКИСТОН БОЗОРИГА ҚИЗИҚИШ ОРТМОҚДА

Тошкентда очилган «Medicina Uzbekistan- 2004» халқаро кўргазмасида ўн еттита мамлакатдан элликдан зиёд компания иштирок этмоқда. Кўргазма ITE Group PLC ва UzExpoforma (Ўзбекистон) компаниялари томонидан ташкил этилди.

Кўргазма очилишида сўзга чиққан Ўзбекистон Соғлиқни сақлаш вазирлиги Феруз Назиров таъкидлаганидек, анжуман қатнашчиларининг йилдан-йилга кўпайиб бориши чет эл компаниялари томонидан Ўзбекистон бозорига қизиқш ўсаётганлигидан далолат беради. Шунингдек, ушбу кўргазма мамлакатимиз соғлиқни сақлаш тизимини ривожлантиришга ўз хиссасини қўшмоқда. Кўргазмада Белоруссия, Буюк Британия, Германия, Қозғистон, Покистон, Россия, Украина ва Франция каби мамлакатларнинг фармацевтика препаратлари ва тиббиёт техникалари ишлаб чиқаришга ихтисослашган корхона ва фирмалари ўз маҳсулотлари билан иштирок этмоқда. Кўргазмада Ўзбекистондан ҳам 11та кор-

хона иштирок этмоқда.

Тошкентдаги «Супромед» МЧЖ раҳбари Собир Убайдуллаевнинг «Туркистон-пресс» муҳбирига айтишича, мазкур корхона 1996 йилда барпо этилган бўлиб, у ташхис, физиотерапия, жаррохлик, санитария ва гигиена соҳаларида қўлланиладиган йигирмадан зиёд ускуналарни ишлаб чиқармоқда. Жамиятда ишлаб чиқаришни маҳаллийлаштириш 90-95 фоизни ташкил этипти.

— Агар авваллари корхонанинг асосий харидорлари «Тибтехника» тизимидаги корхоналар ва давлат тиббиёт маҳсусалари бўлган бўлса, эндиликда «Супромед» ускуналарини хусусий клиника ва тиббий муассасалар, косметология кабинетлари бажонидил харид

қилишмоқда, — деди С.Убайдуллаев. — Ўтган йили ишлаб чиқаришнинг ялпи ҳажми 180 миллион сўмни ташкил қилди.

Дори-дармон маҳсулотлари ишлаб чиқаришга ихтисослашган Россиянинг «Брицалов-Ферейн» компанияси маҳсулотлари кўргазма иштирокчиларининг эътиборини ўзига тортди. Республика Соғлиқни сақлаш вазирлигида ушбу компаниянинг 28 турдаги дори препаратлари рўйхатдан ўтган. 2003 йилда мазкур Россия компаниясининг Ўзбекистон дори-дармон бозоридagi жами айланмаси 500 минг АҚШ долларини ташкил этди.

Т.АЛИМУХАМЕДОВ,
«Туркистон-пресс»

Қалмиш-қидирмиш

Тун. Майин эсиб турган шамолдан баргсиз дарахларнинг силкиниши эшитилиб турарди. Табиатнинг бундай «ўйинлари» гўё Ироданинг дардини баттар кучайтираётгандек... Кунни кеча у анчадан буён ёқтириб юрган йигит, яъни Алишерни қўшни маҳалладаги бир қиз билан кўрди. Кўрди-ю, бутун дунё кўзига қоронгу бўлиб кетди.

ЖИНОЯТГА ЕТАКЛАДИ

Ирода йигит уни севган тақдирда ҳам у билан бирга бўла олмаслигини тушунмасди. Чунки унинг йигитдан ёши анча катта эди. «Очлик ош танлатмас, ошқиклик ёш танлатмас», деганлари шу бўлса керак. Ирода бу йўлдаги тўсиқларни писанд ҳам қилмасдан, ўз «рақиб»ини йўқотиш пайига тушди...

Қорасув-4 даҳасида яшовчи, ҳеч қаерда ишламайдиган Ирода Қорасув-2 даҳасида яшовчи Зилолага енгил тан жароҳати етказганлиги туфайли милиция ходимлари томонидан қўлга олинди. Агар Иродани атрофдаги йўловчилар кўриб, тўхтатиб қолмаганларида эди, Зилоланинг аҳоли оғирроқ кечарди. Иродани тезкор ходимлар олиб кетишар экан, у тўғрисида ўзига нафратланиб қараб турган Алишерга кўзи тушди...

ТУНГИ «МЕҲМОН»

Душанбани «оғир» кун дейишди. Мана шу кунги Пушкун Салор кўчасида яшовчи Зухра кун давомида жуда толиққанлиги сабабли бир оз ҳордиқ чиқариш ниятида барвақтроқ ётоққа кириб кетди.

Аммо кўча эшикнинг қўнғироғи унинг режаларини бузди. Фарзандларига ва турмуш ўртоғига эшикни

ўзи очишини айтиб, йўлак томон юрди. Зухра эшикни очди-ю, шу заҳоти бўғзида пичоқнинг ялтираганини кўрди. Уйдагиларнинг «Онажон, ким экан?», деган гаплари тунги «меҳмон»нинг режаларини чиппака қилди. «Уйда одам кўп экан», деб ўйлади у ўзича ва аёлнинг қулоқларидаги тилла зираги билан бугунги «ов»ини тугатишни афзал деб билди. Жиноятчи Зухранинг қулоқларидаги тилла зиракларини юлиб олди-ю ғойиб бўлди. Аёл эса то фарзандлари билан турмуш ўртоғи ёнига келиб гапирмагунларича ўзига келолмай, қарақлигича туриб қолди.

Зухранинг турмуш ўртоғи вақтни ганимат билиб, зудлик билан «02»га хабар қилди. Тезкор тергов гуруҳи кўп куттирмади ва жиноят тафсилотлари билан танишиб чиқач, жиноятчининг изига тушди. Энг ҳайратланарлиси шундаки, жиноят содир қилган шахс аёл киши бўлиб чиқди. Бу аёл Қашқадарё вилояти, Қашаши туманида яшовчи, ҳеч қаерда ишламайдиган З.Барно экан.

Қадимда «Зағизғон соғлигидан ўлмади, суқлигидан ўлади», дейишган экан. З.Барно ҳам суқлик қилганида бу қўйларга тушмаган бўлармиди?!

ФИРИБГАРГА ЛАҚҚА ТУШДИ

Туни билан ёққан ёмғир эрта-лабга яқин тинди. Бирдан қуёш чарақлаб табиатнинг совиған тафтини илти бошлади.

Шу кеча ўз ўйлари билан Камол ухламай чиқди. Ахир қандай қилиб тинчгина ухласин, яқинда унинг қизининг тули. Шу ниятда кўпдан бери йигиб юрган 12.000.000 сўм

пулини чет эл сарполаридан сотиб олиш мақсадида АҚШ долларига алмаштирмоқчи бўлди ва барвақт кишини банкка отланди. Камол банкнинг эшигидан кирар экан, бир париваш унинг ёнидан сочларини силкитиб ўтиб кетди. Қизини яқинда турмушга бераётган, ўй-хаёллари, юмушлари етарли бўлган одам ҳам бунга қарангки, гўзал аёлнинг хуснига бепарво қараб кета олмади. Эракнинг бу ҳолатини сезган аёл Камолга қараб бир ширин табассум ҳадя этди. Бундан эса Камолнинг бутунлай эси оғиб қолди. Шунда аёл вақтни бой бермасдан эрхадан фойдаланиб қолишни афзал деб билди...

Бу учрашувдан кейин Тошкент вилояти, Зангиота тумани, «Ёшлик» кўчасида яшовчи Ш.Наргиза Камолнинг пул алмаштирмоқчи эканлигини билиб олди ва унга пулни ўзи алмаштириб бериши мумкинлигини айтди. Илгарилари пул алмаштириб юрмаган Камол бу таклифдан қувониб кетди ва пулни қандай қилиб аёлнинг қўлига топшириб қўйганини ўзи ҳам билолмай қолди. Аёл эса шу билан осмонга чиққими, ерга кирдими, ҳуллас ғойиб бўлди. Камол эса лаққа тушиб қолаверди. Унинг милиция ходимларига қўнғироқ қилишдан бўлак бошқа иложи қолмади.

Тезкор тергов гуруҳи бу фирибгар аёлнинг изига тушиб, уни қўлга олди. «Қарс икки қўлдан чиқади», дейишди, агар Камол аёлнинг нозу карашмасидан боши айланиб қолмаганида эди, ушбу воқеа балки умуман содир бўлмасди.

Феруза УМРЗОКОВА,
Тошкент шаҳар ИИББ Матбуот
маркази жамоатчи муҳбири.

Қайқалар

ЁВВОЙЛАШГАН ЎРИК

Богбон йигит йиғча кетаётди, кўча эшигидан чиқиб турган табиатига ўрик кўчатини тутқазди. — Ўзингиз «заказ» қилган нави, — деди у. — Тезроқ яхши кўкарсин деб кўчат атрофини кенгроқ қазиб, сертупроқли қилиб олдим. Экаётганингизда уваланиб илдизидан тўкилмасин. «Кўз очиб кўрган» тупроқи билан офтобли жойга экилган кўчат кўкариб бўй қўзди-ю узок вақт сохибини кута-кута парваридан қолди.

Бир кун сохиби кўрса ҳосил ўрнига бигиздек-бигиздек тиканлар. — Нима бало, богбоннинг фаросати кам эканми, нахотики ўрик ўрнига тикан кўчатини берса?! — жаж-ла дейди «фаросатли» сохиб.

Кани энди ўша сохиб тиканларнинг ўқталишдан: «Ширин-шакар ҳосил берадиган ўрик эдим. Айни ўсар чоғимда меҳрингни кўрмай ёввойи бўлиб қолдим», деган афсусни тушуниб етса...

БИЛИМДОН

— Мен жўяқлардан милдираб оқишим керак, бу қия пайкалда шалдираб оқсам тупроқни ўйиб кетаман. Ниҳол илдизлари очилиб қолади, — дейди сув, сувчи уни зийрак билан милдириб тاراتаётганида.

— Бу пайкал кафтдек текис экан. Милдираб оқсам ниҳоларни эзиб қўяман, — дейди сув, сувчи уни дадилроқ таратётганида.

Сув сувчининг тўғри жоловламаганида ўзича шундай биллимдонлик қилармиди?!

Ғани АБДУЛЛАЕВ

ЭНГ, ЭНГ, ЭНГ...

Дунёдаги энг катта ярим орол Арабистон ярим оролидир. Унинг умумий майдони 300.000 квадрат километрдан иборат.

Бразилиядаги Амазонка дарёси дунёдаги энг серсув дарё ҳисобланади. Ундан йилга 3787 куб километр, секундида эса 120.000 куб литр сув оқиб ўтади.

Дунёдаги энг митти давлат Франция билан Италия ўртасида жойлашган Монако князлигидир. Унинг майдони 1,5 квадрат километр бўлиб, аҳолиси 20 минг кишидан иборат. Монако давлатининг 12 аскар ва бир полковникдан ташкил топган мунтазам армияси бор.

Ҳамма томонидан Италия билан чегарадош Сан-Марино Республикаси ҳам митти давлатлардан ҳисобланади. Майдони 61 квадрат километр бўлиб, аҳолиси 13 минг кишидан ташкил топган, Сан-Марино ўзининг савдо флотига эга, порохларни Италия портларида туради.

Франция билан Испания чегарасида Андорра деган республика жойлашган. Митти давлатлар ичидан энг йиринчи бўлган бу давлатнинг майдони 452 километр, аҳолисининг сони атиги етти минг кишидир.

Ўрта Ер денгизидан Атлантика океанига чиқиб жойида Испаниянинг жанубий қисмида Гибралтар мамлакати мавжуд. Бу митти ўлка бўлиб, унинг майдони бор-йўғи 6 квадрат километрни ташкил қилади. Унда 30 мингга яқин аҳоли истиқомат қилади.

Спорт

ЧЕМПИОНЛАР
ЛИГАСИ
ЎЙИНЛАРИ

Футбол бўйича Осиё чемпионлар лигасининг учинчи тур ўйинлари бўлиб ўтди.

Маълумки, чемпионлар лигасининг «А» гуруҳида «Пахтакор», «Д» гуруҳида эса «Нефтич» жамоалари иштирок этмоқда.

«Пахтакор» жамоаси Бахрейнинг «Ал-Риффа» командаси билан сафарда куч синачиши лозим эди. Бахрейнликлар учрашувни ўткази олишмасликларини билдиришгандан сўнг, ҳам сафардаги, ҳам Тошкентда 27 апрель куни ўтказилиши лозим бўлган беллашувлар учун «Пахтакор» ҳисобида олтинчоқ ёзилмаган бўлди.

«Нефтич» (Фарғона) сафарда Кувайтнинг «Ал-Араби» жамоасига 3:2 ҳисобида ютқазиб қўйди. Жавоб ўйини 28 апрелда Фарғона шаҳрида ўтказилади.

Осиё чемпионлар лигасининг қолган ўйинларида қуйидаги натижалар қайд этилди: «ПСМ Макассар» (Индонезия) — «Далан Шиде» (Хитой) — 0:1, «Иокогама Ф.Маринос» (Япония) — «Сенам Илья Чунма» (Жанубий Корея) — 1:2, «Хаанг Ань Джиа Лай» (Вьетнам) — «Крунг Тай Банк» (Таиланд) — 0:1, «Бин Динь» (Вьетнам) — «Персик Кедири» (Индонезия) — 2:2, «Зоб-Ахан» (Эрон) — «СК Катар» (Катар) — 3:3, «Ал Иттиход» (Саудия Арабистони) — «Сепакон» (Эрон) — 2:3.

БЕЛЛАШУВЛАР
ДАВОМ
ЭТМОҚДА

Тошкент шаҳар жисмоний тарбия ва спорт қўмитаси шаҳар ногиронлар спорт федерацияси билан ҳамкорликда фахрийлар ва ногиронлар ўртасида шашка бўйича Тошкент шаҳар биринчилигини ўтказмоқда.

Қўзи ожизлар жамиятининг маданият саройида бўлиб ўтаётган ва бугун якунланганидан турнирда 200 га яқин иштирокчи ўз кучини синаб кўрмоқда.

23-25 апрель кунлари Тошкент шаҳар жисмоний тарбия ва спорт қўмитаси шаҳар самбо федерацияси билан ҳамкорликда «Динамо» спорт мажмуасида самбо бўйича ўсмирлар ўртасида шаҳар чемпионати мусобақасини ўтказди.

Андижон шаҳрида энгил атлетика бўйича 1987 йилда туғилган ва ундан кичик ёшдаги ўсмирлар ва кизлар ўртасида республика биринчилиги мусобақалари бўлиб ўтмоқда. Эртага ўз низоҳасига етадиган мусобақа натижалари билан кейинги сонларда таништириб ўтамыз.

(Ўз мухбиримиз)

Авиамодель спорт

ҲАМШАҲАРЛАРИМИЗ
ҒОЛИБ ЧИҚИШДИ

Ўзбекистон мудофаасига қўмаклашувчи «Ватанпарвар» ташкилоти Марказий Кенгаши томонидан 17-20 апрель кунлари миллий авиация спорт клубининг ўртачирчиқ туманидаги «Аранчи» аэродромида спортнинг техник ва амалий турларидан бири — радио бошқарув ва эркин учар авиамодель бўйича Ўзбекистон чемпионати бўлиб ўтди.

Ушбу чемпионатда республикамизнинг 11 та вилояти вакиллари қатнашиб, 50 нафардан зиёд спорт усталари ва спорт усталигига номзодлар беллашдилар. Якуний натижалар бўйича умумжамоа ҳисобида биринчи ўрин Тошкент шаҳри (4129 натижа), 2-ўрин Фарғона вилояти (1968 натижа), 3-ўрин эса Наманган вилояти (1830 натижа) вакилларига насиб этди. Шахсий ҳисобда

эса авиамодель спорти усталари қуйидаги натижаларни кўрсатдилар.

F-1-A авиамодель тури бўйича Наманган вилоятилик Игнат Диордице ғалаба қозонган бўлса, ҳамшаҳримиз, спорт устаси Владимир Козловга иккинчи ўрин насиб этди. Авиамоделнинг F-1-B тури бўйича дастлабки икки совринли ўринни тошкентлик спортчилар Демьян Караулов ва Александр Муравцовлар банд

этишди. F-1-C тур бўйича улоқ Фарғона вилояти вакилларида кетди. Ушбу баҳсда Николай Евдокимов (Тошкент шаҳри) факат учинчи бўлди, холос.

F-3-A авиамодели беллашувида 1-, 2- ва 3-ўринларни тошкентлик спорт усталари Григорий Левентуль, Владимир Соловьёв ва Владимир Кульчицкийлар эгаллашди. Ниҳоят, F-3-B турдаги моделни бошқарувчилар ўртасида Владимир Уцин ва Владимир Соловьёв (иккови Тошкент) олтин ва кумуш нишонлар эгаси бўлса, Бухоро вилояти вакили Павел Шевченко учинчи ўринни қўлга киритди.

Барча ғолиб ва совриндорларга «Ватанпарвар» ташкилоти Марказий Кенгашининг диплом, медаль ва қимматбаҳо совғалари топширилди.

(Ўз мухбиримиз)

МЕДАЛЛАР
ШОДАСИ БИЛАН
КАЙТИШДИ

Қозоғистоннинг Усть-Каменогорск шаҳрида армрестлинг бўйича ўтган Осиё чемпионатида Ўзбекистон вакиллари - М.Шаропов 53 килограмм вазн тоифасида иккита, А.Асадов 63 килограмм вазн тоифасида иккита, Ф.Усмонов 105 килограмм вазн тоифасида учта олтин медални қўлга киритди.

Ф.Керимов, И.Панафин ва Е.Смирнова фахрийлар ўртасида чемпион бўлди.

Вакилларимиз жами 10та олтин, 7та кумуш, 13та бронза медални қўлга киритиб, умумжамоа ҳисобида иккинчи ўринни эгаллади.

Хулкар СОДИҚОВА,
ЎЗА мухбири

ТИЖОРАТ ХАБАРЛАРИ ВА ЭЪЛОНЛАР

ТИЖОРАТ ХАБАРЛАРИ ВА ЭЪЛОНЛАР

ЎЗБЕКИСТОН РЕСПУБЛИКАСИ ФАВҚУЛОДДА
ВАЗИЯТЛАР ВАЗИРЛИГИ

Фуқаро муҳофазаси институти иккита ўрни бўш кафедра бошлиғи лавозимини тўлдириш учун

ТАНЛОВ ЭЪЛОН ҚИЛАДИ

Танловга 45 ёшгача бўлган ҳарбий хизматчи (офицер)лар ёки 35 ёшгача заҳирадаги, саломатлиги ҳарбий хизмат ўташга яроқли офицерлар, Тошкент шаҳрида яшовчи ва доимий расмий ҳисобда турувчи, илмий даражаси (илмий унвони), аҳоли ва фуқаро муҳофазаси ҳамда фавқулодда вазиятлар оқибатларини бар-тароф этиш муаммолари бўйича иш тажрибасига, давлат ва рус тилларида бемалол сўзлаша оладиган, шунингдек, илмий-му-

раббийлик тажрибага эга бўлган номзодлар таклиф қилинади. Номзодлар қуйидаги ҳужжатларни тақдим этадилар:

1. Тавсиянома.
 2. Маълумоти ва илмий даража (илмий унвон) ҳақидаги ҳужжатларнинг асл нусхаси.
 3. Илмий-услубий ишлар ва ихтиролар рўyxати.
 4. 4х6 см ўлчамли 2 дона фотосурат.
- Ҳужжатлар эълон чиққан кундан бошлаб бир ой мобайнида қабул қилинади.

**Манзил: Тошкент шаҳри, «Халқлар дўстлиги» кўчаси, 28- уй.
Телефон: 79-39-77, 79-49-27.**

Йўлдош Охунбобоев номли Республика медицина коллежида
ўқитувчиларнинг бўш лавозимларини эгаллаш бўйича
ТАНЛОВ ЭЪЛОН ҚИЛИНАДИ

Умумтаълим фанлар бўйича танловда илмий даража (илмий унвон)ли ёки педагогик мутахассислик бўйича магистр, дипломли мутахассис ва бакалаврлар иштирок этишлари мумкин;

Махсус фан ўқитувчилари лавозимларига ўтказилаётган танловда тиббиёт йўналиши ва ихтисосликларига мос келадиган илмий даражада (илмий унвонли ёки магистр, дипломли мутахассис ва бакалаврлар иштирок этишлари мумкин).

**Аризалар эълон чиққан кундан бошлаб 45 кун давомида
компет раҳбари номига қабул қилинади.**

Хурматли Абдуғофур Нарзиев!

Сизни 25 апрель—таваллуд кунингиз билан муборакбод этамиз.50 ёшлик айёмингизга барча самимий тилакларимизни йўллаймиз.

**Хурмат билан, Юнусобод туман
«Иттифоқ-коммунал»
уй-жой мулкдорлари ширкати жамоаси.**

«ТОШКЕНТ ОҚШОМИ» ВА
«ВЕЧЕРНИЙ ТАШКЕНТ»

газеталари таҳририяти реклама агентларини ишга қабул қилади.

Маълумотлар учун телефон: 133-28-95

«SOBIR RAHIMOV TUMAN DEZINFEKSIYA STANSIYASI» шу ном билан масъулият чекланган жамиятга айлантирилади ва унинг барча ҳуқуқ ва мажбуриятларини олувчи ҳисобланади. Эътирозлар 48-65-96 телефонлари орқали қабул қилинади.



Муассис:
Тошкент шаҳар
ҳокимлиги

Бош муҳаррир
АКМАЛ АКРОМОВ

Манзилимиз: 700000,
Тошкент шаҳри,
Матбуотчилар кўчаси, 32

ТЕЛЕФОНЛАР:

хатлар — 133-29-70,
эълонлар:
133-28-95, 132-11-39,
факс: (3712) 133-29-09.

Ҳажми — 2 босма тибок, офсет усулида
босилади.
4409 нусхада босилади. Қўғоз бичими А-3

Газета Тошкент шаҳар
Матбуот ва ахборот
бошқармасида 02-1-рақам
билан рўyxатга олинган.

Душанба, сешанба, чоршанба,
пайшанба ва жума кунлари чиқади.
Нашр кўрсаткичи — 563

Нашри етказиб бериш масалалари бўйича турар жойлардаги почта бўлимларига ёки «Тошкент почтасига» — 133-74-05 телефонига мурожаат қилишнинг мумкин.

Газета «Тошкент оқшоми»нинг компьютер марказида терилди ва саҳифаланди.

«Шарқ» нашриёт-матбаа акциядорлик компанияси босмахонаси.
Корхона манзили: «Буюк Турон» кўчаси, 41-уй.